



HEKURUDHAT E KOSOVËS

RREGULLORE
MBI PLOTËSIMIN E KUSHTEVE
SHËNDETËSORE TË PUNONJËSVE

Fushë Kosovë

Qershor 2015

Në bazë të Nenit 20 të Ligjit 04/L-111 për Ndryshimin dhe Plotësimin e Ligjit 03/L-087 për Ndërmarrjet Publike, nenit 26.23 të Kodit të Etikës dhe Qeverisjes Koorporative për NP dhe në bazë të Ligjit nr. 04/L-161 për Sigurinë dhe Shëndetin në Punë, Bordi i Drejtorëve i Hekurudhave të Kosovës - Trainkos Sh.A në Mbledhjen nr. 55, të mbajtur më 30.06.2015, miraton këtë:

RREGULLORE

MBI PLOTËSIMIN E KUSHTEVE SHËNDETËSORE TË PUNONJËSVE TË HEKURUDHAVE TË KOSOVËS - TRAINKOS SH.A

Kreu I DISPOZITAT THEMELORE

Neni 1 Qëllimi

Me këtë rregullore parashihet mënyra e përcaktimit të kushteve të veçanta shëndetësore, forma dhe koha e konstatimit dhe verifikimit të aftësisë shëndetësore të punonjësve të Hekurudhave të Kosovës - Trainkos Sh.A., të cilët drejtpërdrejtë marrin pjesë në organizimin e komunikacionit hekurudhor.

Neni 2 Fushëveprimi

2.1. Punonjësit e Hekurudhave të Kosovës –Trainkos Sh.A., në punët e caktuara, të cilët marrin pjesë në organizimin e komunikacionit hekurudhorë (në tekstin në vijim: punonjësit e Trainkos Sh.A.), në aspektin shëndetësorë duhet të jenë të aftë për kryerjen e këtyre punëve.

2.2. Punonjësit nga paragrafi 1 i këtij neni, konsiderohen të aftë, në aspektin shëndetësorë, nëse i plotësojnë kushtet e veçanta shëndetësore të parashikuara me këtë rregullore.

2.3. Kushtet e veçanta shëndetësore të punonjësit përcaktohen me kontrollimin paraprak shëndetësor, ndërsa verifikimi i aftësisë shëndetësore gjatë punës kryhet në afate periodike (kohore) dhe kontrollim të jashtëzakonshëm shëndetësor.

Neni 3

Përcaktimin e kushteve të veçanta shëndetësore dhe verifikimin e aftësisë shëndetësore të punonjësve të Hekurudhave të Kosovës-Trainkos Sh.A. e kryen enti i specializuar i shëndetësisë, i cila ka kuadrin adekuat, pajisjet dhe kushtet tjera, njeh procesin dhe kushtet e punës të punonjësve të hekurudhës për të konstatuar aftësinë shëndetësore të tyre.

Neni 4

Varësisht nga shkalla e pjesëmarrjes në organizimin e punëve me rëndësi për sigurinë e komunikacionit hekurudhorë, punonjësit e Trainkos Sh.A. të cilët drejtpërdrejtë marrin pjesë në organizimin e komunikacionit hekurudhor sistemohen në tri kategori.

Në kategorinë e parë të punëve nga paragrafi 1 i këtij neni bëjnë pjesë këto punë:

Kategoria I

- a) Makinistë,
- b) Udhëheqës treni – Ndhmës makinistë
- c) Frenues-Manovrues

Kategoria II

- a) Kontrollues të vagonëve dhe

Kategoria III

- a) Mbikëqyrës të mjeteve tërheqëse,
- b) Konduktorë,
- c) Instruktorë të tërheqjes,
- d) Mbikëqyrës të kontrolluesve të vagonëve,
- e) Ndërrues në tërheqjen e trenave.

Neni 5

Përcaktimi i kushteve të veçanta shëndetësore dhe verifikimi i aftësive shëndetësore të punonjësve të Trainkos Sh.A. kryhet në bazë të gjendjes së përgjithshme shëndetësore, aftësisë psikike, gjendjes së dëgjimit, gjendjes së shikimit dhe njohjes së ngjyrave.

Neni 6

Nëse gjatë kontrollimit paraprak periodik (kohor) ose kontrollimit të jashtëzakonshëm shëndetësor konstatohet se punonjësi i Trainkos Sh.A. nuk i plotëson kushtet e veçanta shëndetësore ose konstatohet sëmundja apo kundër indikacionet e parashikuara, me këtë rregullore konsiderohet i paaftë në aspektin shëndetësor në kryerjen e punëve të kategorisë së caktuar, përderisa zgjatë kjo paaftësi.

Për zgjatjen e paaftësisë shëndetësore të punonjësit të HK-Trainkos Sh.A., sipas kuptimit të paragrafit 1 të këtij neni, vendos enti i specializuar i shëndetësisë i cili e ka konstatuar paaftësinë shëndetësore.

Kreu II
KUSHTET E VEÇANTA SHËDETËSORE
Neni 7

7.1. Kushtet e veçanta shëndetësore përcaktohen me kontrollimin paraprak shëndetësor i cili kryhet:

- a) Para themelimit të marrëdhënies së punës, gjegjësisht para sistemimit të punonjësit të HK-Trainkos Sh.A. në punët e parashikuara me nenin 4 të kësaj Rregulloreje,
- b) Para dërgimit të punonjësit në shkollim ose në aftësimin profesional për kryerjen e punëve të parashikuara me nenin 4 të kësaj Rregulloreje.

7.2. Dispozitat të paragrafit 1 të këtij neni, kanë të bëjnë edhe me punonjësit të cilët përkohësisht caktohen në njërën prej punëve të parashikuara me nenin 4 të kësaj Rregulloreje.

Neni 8

Punonjësit e Trainkos SH.A. gjatë kontrollimit shëndetësorë sistemohen në tri kategori shëndetësore edhe atë: sipas kategorisë së punëve në të cilën janë sistemuar, në bazë të kushteve të veçanta shëndetësore si dhe në bazë të kryerjes së punëve të caktuara.

Neni 9

9.1. Në aspektin e gjendjes së përgjithshme shëndetësore, punonjësit e Trainkos Sh.A. sistemohen në këto grupe shëndetësore:

- 1) Në grupin e parë shëndetësorë – nëse gjendja e tyre shëndetësore mundëson kryerjen e punëve të caktuara pa rrezik për komunikacionin hekurudhorë dhe nëse nuk ekzistojnë kundër indikacionet e parashikuara me këtë rregullore.
- 2) Në grupin e dytë shëndetësorë – nëse sëmundja e tyre duke i marrë parasysh edhe kundër indikacionet të cilat nuk zvogëlojnë aftësinë funksionale të organizmit si dhe punonjësit të cilët janë paraqitur ndryshime në gjendjen e tyre shëndetësore për shkak të gjendjes, nëse ato nuk ndikojnë në aftësinë shëndetësore të punonjësit e cila është me rëndësi për sigurinë e komunikacionit hekurudhor.
- 3) Në grupin e tretë shëndetësorë – nëse është konstatuar se lëngojnë nga sëmundjet duke i marrë parasysh edhe kundër indikacionet të cilat në shkallë të madhe zvogëlojnë aftësitë funksionale të organizmit por dukshëm nuk ndikojnë në aftësinë shëndetësore të punonjësit e cila është me rëndësi për sigurinë e komunikacionit hekurudhor.

Neni 10

10.1. Në aspektin e gjendjes së dëgjimit punonjësit e Trainkos SH.A. sistemohen në këto kategori shëndetësore:

- 1) Në grupin e parë shëndetësorë – nëse është konstatuar se me pëshpëritje i kuptojnë të gjitha fjalët në largësi prej 5m ose me audiometër në dhomë të qetë nuk është konstatuar

humbja më e madhe e dëgjimit, veçmas në secilin vesh prej 20 db për frekuencat 500, 1000 dhe 2000 Hz. Humbja më e madhe e dëgjimit, veçmas në secilin vesh prej 25 db dhe frekuencën 4000 Hz dhe humbje më të madhe të dëgjimit prej 40 db për frekuencat prej 8000 Hz dhe te të cilët nuk ekzistojnë të metat vestibulare.

- 2) Në grupin e dytë shëndetësorë – nëse është konstatuar se me pëshpëritje i kuptojnë të gjitha fjalët në largësi prej 3m ose me audiometër në komore të qetë nuk është konstatuar humbja më e madhe e dëgjimit në secilin vesh prej 35 db për frekuencat 500, 1000 dhe 2000 Hz ose humbja më e madhe e dëgjimit në secilin vesh prej 60 db për frekuencat 4000 Hz dhe te të cilat nuk ekzistojnë çrregullime vestibulare.
- 3) Në grupin e tretë shëndetësorë – nëse është konstatuar se me pëshpëritje i kuptojnë të gjitha fjalët në largësi prej 2m dhe te të cilat nuk ekzistojnë çrregullime vestibulare.

10.2. E veçantë nga dispozitat e pikës 3, paragrafit 1 të këtij neni, varësisht nga përvoja e punës dhe punëve që kryen punonjësi mund të sistemohet në grupin e dytë shëndetësorë, nëse ka humbje të dëgjimit më shumë se 10 db nga normativi i pikës 2 paragrafi 1 i këtij neni me kusht që kjo rritje ka të bëjë vetëm me një frekuencë.

Neni 11

11.1. Në aspektin e shikimit dhe njohjes së ngjyrave punonjësit e Trainkos Sh.A. sistemohen në këto grupe shëndetësore:

- 1) Në grupin e parë shëndetësorë nëse është konstatuar mprehtësia e shikimit, veçmas në secilin sy për më së paku 0.8 pa korrektrim, te të cilët aftësia e njohjes së ngjyrave është normale dhe se ekziston shikimi binokular, adaptimi në errësi, fusha normale e shikimit dhe shtypja normale intraokulare.
- 2) Në grupin e dytë shëndetësorë – nëse është konstatuar mprehtësia e shikimit, veçmas në secilin sy 0.5 pa korrektrim, me mundësi të korrektrimit të veçantë në secilin sy deri në 0.8 me ç'rast dioptria e xhamave nuk guxon të jetë më e madhe se ± 3.0 dsph. Gjegjesisht ± 1.0 dcyl; te të cilët aftësia e njohjes së ngjyrave është përcaktuar me anamodoskop sipas Nagelit, sillet në kufijtë e koeficientit normal (në tekstin vijues AQ) prej 0.5 deri në 10.0 dhe se te të cilët ekziston shikimi binokular, fusha normale e shikimit dhe shtypja normale intraocular;
- 3) Në grupin e tretë shëndetësorë – nëse është konstatuar mprehtësia e shikimit në sy me të cilin sheh më mirë 0.5 e në syrin me të cilin sheh dobët 0.3 pa korrektrim, me që ekziston mundësia e kryerjes së korrektrimit veçmas në secilin sy deri në 0.7 me ç'rast dioptria e xhamave dhe disku optik nuk guxon të jetë më e madhe se ± 4.0 dsph, gjegjesisht ± 2.0 dcyl , te të cilët ekziston shikimi binokular, fusha normale e shikimit dhe shtypja normale intraokulare dhe te të cilit në aspektin e njohjes të ngjyrave nuk janë anob.

Neni 12

Përcaktimi i aftësisë për njohjen e ngjyrave kryhet me metodën e ishiharit ose te stillingut. Në rastet e pa qarta, përcaktimi i aftësisë për njohjen e ngjyrave kryhet sipas metodës së Frasnworthit D-15 ose me anomaloskopi, me ç'rast si normale konsiderohen vlerat AQ prej 0.7 deri në 1.3. përcaktimi i aftësisë, adaptimi në errësirë, kryhet me skotoptikometer no Nein sius – U ose me ndonjë instrument tjetër për ekzaminimin- testimin primar.

Kreu III

PËRCAKTIMI I KUSHTEVE TË VEÇANTA SHËNDETËSORE TË KONTROLLIMIT PARAPRAK SHËNDETËSOR

Neni 13

Punonjësi i Trainkos Sh.A. i cili kryen punët e kategorisë së parë, gjatë kontrollimit shëndetësor paraprak në aspektin e gjendjes së përgjithshme shëndetësore, gjendjes së dëgjimit, shikimit dhe njohjes së ngjyrave, duhet t'i plotësojë kushtet e grupit të parë shëndetësorë.

Neni 14

14.1. Punonjësit e Trainkos Sh.A. të cilët kryejnë punët e kategorisë së dytë gjatë kontrollimit shëndetësorë paraprak duhet t'i plotësojë këto kushte:

- 1) Në aspektin e gjendjes së përgjithshme shëndetësore - kushtet e grupit të parë shëndetësorë.
- 2) Në aspektin e gjendjes së dëgjimit - kushtet e grupit të dytë shëndetësorë.
- 3) Në aspektin e gjendjes së shikimit dhe njohjes së ngjyrave – kushtet e grupit të parë shëndetësorë.

Neni 15

Punonjësi i Trainkos Sh.A., i cili kryen punët e kategorisë së tretë gjatë kontrollimit paraprak shëndetësor në aspektin e gjendjes së përgjithshme shëndetësore, gjendjes së dëgjimit dhe shikimit me njohjen e ngjyrave, duhet t'i plotësojë kushtet shëndetësore të grupit të dytë shëndetësorë.

Kreu IV

KUNDËRINDIKACIONET PËR PUNËT NË TË CILAT PUNONJËSIT E TRAINKOS SH.A. MARRIN PJESË DREJTPËRDREJTË NË ORGANIZIMIN E KOMUNIKACIONIT HEKURUDHOR

Neni 16

16.1. Kundërindikacionet për punët në të cilat punonjësi i hekurudhës drejtpërdrejtë merr pjesë në organizimin e komunikacionit hekurudhor, në aspektin e gjendjes së përgjithshme shëndetësore janë:

1. Gjendja dhe sëmundjet psikiatrike dhe neurologjike
 - a) Psikoza
 - b) Neuroza
 - c) Çrregullimet personale
 - d) Alkoolizmi, narkomania
 - e) Prapambeturi shpirtërore
 - f) Traumata, ndezjet dhe sëmundjet vaskulare të sistemit nervor qendror me pasoja të përhershme
 - g) Sëmundjet trashëguese, proceset multikulare, sindromet ekstrapiramidale, atakimet dhe sëmundjet e neuroneve motorike,
 - h) Miopatia
 - i) Epilepsia dhe dyshimi në epilepsi
 - j) Sindromi i dhimbjes me prejardhje vertebrale me çrregullime të rënda funksionale
 - k) Sëmundja periferike nervore me çrregullime të rënda funksionale
2. Gjendja psikike
 - a) Deficiti mental,
 - b) Çrregullimi i memories
 - c) Çrregullimi i kujdesit
 - d) Pengesat psikomotorike
 - e) Labiliti emocional
3. Gjendja dhe sëmundjet e zemrës dhe enëve të gjakut (sistemi kardiovaskular)
 - a) Rastet e rënda të sëmundjes së enëve të gjakut dhe zemrës
 - b) Gjendja pas infarktimit të miokardit
 - c) Sëmundjet e zemrës të cilat mund të shkaktojnë ndërrimin e ritmit dhe gjendjen e shfaqjes së simptomave (sinkopa)
 - d) Çrregullimet e lindura dhe të trashëguara me shenja të dekompensimit
 - e) Lindja dhe trashëgimi i sëmundjeve të enëve të mëdha të gjakut
 - f) Blloku komplet i zemrës dhe blloku AV I shkallës së II
 - g) Blloku i anës së majtë i tufës së His-it

- h) Sëmundjet kronike të zemrës
 - i) Gjendja pas perikardit me shenja të opstrukcionit
 - j) Sëmundja hipertонike me shtypje diastolike mbi 100 mm Hg ose me shenja të dëmtimit të Enëve të gjakut të syrit, zemrës ose veshkave
4. Gjendja e sëmundjeve të sistemit respirator
- a) Sëmundja e sistemit respirator e cila shkakton infeksionin respirator ose të zemrës
 - b) Mushkëritë me tuberkuloz aktiv
5. Sëmundja e rëndë e mëlçisë ose veshkave
6. Sëmundjet e sistemit endokrinar
- a) Diabeti mellitus
 - b) Forma e rëndë e hipertirozës ose hipertiroza
 - c) Hiper-ose hipoadenokortcizmi në shkallë të shprehur
7. Sëmundjet e sistemit të gjakut
- a) Hemotapija malinje
 - b) Anemia e shkallës së rëndë dhe sindroma hemorragjike
8. Format e rënda të sëmundjes së lëkurës
9. Gjendja, sëmundjet dhe lëndimet e aparatit lokomotorik, nëse pamundësojnë kryerjen e punëve me rëndësi për sigurinë në komunikacionin hekurudhor.

Neni 17

17.1. Kundër indikacionet në aspektin e dëgjimit janë:

- a) Dëmtimet në të dy anët e veshit (labirintit) që shkakton çrregullimin e drejtpeshimit,
- b) Sëmundjet malinje të qafës, sinuset, epifarkasit, mezofapinaksit dhe hipofarikasit, gjuha, larinasi, gjëndrat mbrojtëse dhe gjëndrat e pështymës
- c) paraliza e nepsit të butë, farinkasit, larinkasit, stenozet e ezofagusit, larina dhe traheja
- d) Otoskleroza
- e) Qelbja në një ose të dy anët dhe ndezja e veshit të mesëm me ose pa mastoiditis
- f) Forma ozenesme rëndë
- g) Polipoza e zgavrave të hundës dhe e sinuseve
- h) Çrregullimet e mëdha gjatë foljes.

Neni 18

18.1. Kundër indikacionet në aspektin e shikimit janë:

- a) Mjegullimi i madh i bebëzës
- b) Ptoza e kapakëve të syrit në skajet e kapakëve, mbërrijnë deri në gjysmën e bebëzës
- c) Strabizmi me kënd të madh
- d) Glaucoma
- e) Abolimi i retinës
- f) Pareza ose paraliza e nervave të syrit
- g) Sëmundja e retinës dhe nervit shikues
- h) Katarakta
- i) Afakia e cila nuk mund të korrigjohet me thjerrëzat kontraktuese
- j) Skotomet objektive ose absolute
- k) Anofatolmisi (monokul)
- l) Astigmatizmi i përzier mbi 2.0 d
- m) Mos njohja e ngjyrave

Neni 19

Kundër indikacionet për punë, në punët në të cilat punonjësi i Trainkos SH.A. drejtpërdrejtë merr pjesë në organizimin e komunikacionit hekurudhor, paraqesin gjendjen dhe sëmundjet tjera, nëse janë të shfaqura në atë shkallë ose volum që pamundësojnë kryerjen e punëve të caktuara, të rëndësishme për sigurinë e komunikacionit hekurudhor.

Kreu V

VERIFIKIMI I GJENDJES SHËNDETËSORE

Neni 20

Verifikimi i aftësisë shëndetësore të punonjësve të Trainkos Sh.A. kryhet në periodha kohore (periodike) dhe kontrollimin e jashtëzakonshëm shëndetësorë.

Neni 21

Verifikimi i aftësisë shëndetësore të punonjësve të Trainkos Sh.A. të cilët punojnë në punët e kategorisë së parë, kontrollimi shëndetësorë kohor (periodik) kryhet në çdo vit. Për punonjësit të cilët punojnë në punët e kategorisë së dytë kryhet në çdo dy vjet ndërsa për punonjësit të cilët punojnë në punët e kategorisë së tretë kryhet në çdo katër vite.

Afati i radhës për kontrollimin shëndetësorë periodik llogaritet prej ditës së kryerjes paraprake të kontrollimit shëndetësor periodik ose të kontrollimit të jashtëzakonshëm.

Neni 22

22.1. Verifikimi i aftësisë shëndetësore të punonjësve të Trainkos Sh.A. bëhet me kontrollimin e jashtëzakonshëm shëndetësor dhe mund të kryhet edhe para skadimit të afateve nga neni 21 i kësaj rregulloreje në këto raste :

- a) Para sistemimit të punonjësit në punët për të cilët kërkohet grupi më i lartë shëndetësor, nga grupi i cili është parashikuar për kryerjen e punëve të cilat punonjësi i ka kryer deri më tani;
- b) Pas çfarëdo paaftësie të përkohshme për punë, për shkak të sëmundjes ose lëndimit i cili ka zgjatë më shumë se 60 ditë;
- c) Nëse ekziston dyshimi i bazuar për marrjen e alkoolit, drogës dhe barërave psikike aktive;
- d) Adaptimi i rënduar profesional i punonjësit në punë;
- e) Pas lëndimit të rëndë të punonjësit;
- f) Pas çdo aksidenti të cilin e ka shkaktuar punonjësi me fajin e vet;
- g) Nëse ndërprerja e punës në punët nga neni 4 i kësaj rregulloreje ka zgjatë më shumë se 6 muaj pa ndërprerje;
- h) Me kërkesë personale të punonjësit;
- i) Nëse ekziston dyshimi i bazuar se punonjësi nuk i plotëson kushtet e veçanta shëndetësore për kryerjen e punëve të caktuara.

Neni 23

Nëse me këtë rregullore nuk është përcaktuar ndryshe, punonjësi i Trainkos Sh.A., i cili gjatë kontrollimit paraprak shëndetësor është sistemuar në grupin adekuat shëndetësor, mund të qëndrojë në punët e kategorisë së caktuar nëse gjatë kontrollimit periodik ose atij të jashtëzakonshëm konstatohet se në aspektin e gjendjes së përgjithshme shëndetësore, aftësi psikike, dëgjimit, shikimit me njohjen e ngjyrave i plotëson kushtet e veçanta shëndetësore të cilat janë konstatuar gjatë sistemimit në grupin e caktuar shëndetësorë.

Neni 24

Punonjësi i Trainkos Sh.A. i cili kryen punët e kategorisë së dytë, gjatë kontrollimit paraprak shëndetësor, në aspektin e gjendjes së përgjithshme shëndetësore është sistemuar në grupin e parë shëndetësor mund të qëndrojë në punët e kësaj kategorie nëse gjatë kontrollimit shëndetësor periodik ose të jashtëzakonshëm konstatohet se në aspektin e gjendjes së përgjithshme shëndetësore i plotëson kushtet shëndetësore të parashikuara për grupin e dytë shëndetësor.

Neni 25

Punonjësi i Trainkos Sh.A. i cili kryen punët e kategorisë së tretë, gjatë kontrollimit paraprak shëndetësor, në aspektin e gjendjes së përgjithshme shëndetësore është sistemuar në grupin e dytë shëndetësorë mund të qëndrojë në punët e kësaj kategorie nëse gjatë kontrollimit shëndetësor periodik ose të jashtëzakonshëm konstatohet se në aspektin e gjendjes së përgjithshme shëndetësore i plotëson kushtet e parashikuara për grupin e tretë shëndetësorë.

Neni 26

26.1. Punonjësi i Trainkos Sh.A. i cili kryen punët e kategorisë së parë, gjatë kontrollimit paraprak shëndetësor në aspektin e gjendjes së dëgjimit është sistemuar në grupin e parë shëndetësor mund të qëndrojë në punët e kësaj kategorie nëse gjatë kontrollimit shëndetësor

periodik ose të jashtëzakonshëm konstatohet se në aspektin e gjendjes së dëgjimit i plotëson kushtet e parashikuara për grupin e dytë shëndetësorë.

26.2. Punonjësi i Trainkos Sh.A., i cili kryen punët e kategorisë së tretë, gjatë kontrollimit shëndetësor paraprak në aspektin e gjendjes së dëgjimit është sistemuar në grupin e dytë shëndetësor, mund të qëndrojë në punët e kësaj kategorie nëse gjatë kontrollimit shëndetësor periodik ose të jashtëzakonshëm konstatohet se në aspektin e gjendjes së dëgjimit i plotëson kushtet e parashikuara për grupin e tretë shëndetësorë.

Neni 27

27.1. Punonjësi i Trainkos Sh.A. i cili kryen punët e kategorisë së parë ose të dytë të i cili gjatë kontrollimit shëndetësorë paraprak, në aspektin e gjendjes së shikimit dhe njohjes së ngjyrave është sistemuar në grupin e parë shëndetësorë mund të qëndrojë në punët e kësaj kategorie nëse gjatë kontrollimit shëndetësorë periodik ose të jashtëzakonshëm konstatohet se në aspektin e gjendjes së shikimit dhe njohjes së ngjyrave i plotëson kushtet e parashikuara për grupin e dytë shëndetësorë.

27.2. Dispozitat e paragrafit 1 të këtij neni nuk kanë të bëjnë me punonjësin i cili kryen punët e frenuesit-manovruesit.

27.3. Punonjësi i Trainkos Sh.A., i cili kryen punët e kategorisë së tretë, i cili gjatë kontrollimit paraprak shëndetësorë në aspektin e gjendjes së shikimit dhe njohjes së ngjyrave është sistemuar në grupin e parë shëndetësorë mund të qëndrojë në punët e kësaj kategorie nëse gjatë kontrollimit shëndetësor periodik ose të jashtëzakonshëm konstatohet se në aspektin e gjendjes së shikimit dhe njohjes së ngjyrave i plotëson kushtet e parashikuara për grupin e dytë shëndetësor.

Kreu VI

MËNYRA E PËRCAKTIMIT TË KUSHTEVE TË VEQANTA SHËNDETËSORE DHE VERIFIKIMI I AFTËSISË SHËNDETËSORE TË PUNONJËSVE TË TRAINKOS SH.A.

Neni 28

28.1. Dërgimin e punonjësve të Trainkos Sh.A. në kontrollimin shëndetësor paraprak periodik dhe të jashtëzakonshëm të parashikuar me këtë rregullore e bënë Kompania në të cilën kryhen punët e parashikuara me nenin 4 të kësaj Rregulloreje.

28.2. Kompania e cila i dërgon punonjësit në kontrollim shëndetësorë është e obliguar që entit të specializuar shëndetësor për kontrollimin t'i ofroj në dispozicion të dhënat e nevojshme për llojin e punëve, kushtet dhe procesin e punës për punët të cilat do t'i kryej, gjegjësisht punët të cilat i kryen punonjësi për të cilin kërkohet kontrollimi shëndetësor.

28.3. Nëse punonjësi dërgohet në kontrollim të jashtëzakonshëm shëndetësor, Kompania është e obliguar që në kërkesë për kryerjen e këtij kontrollimi të tregoj shkaqet për dërgim në pajtim me nenin 22 të kësaj Rregulloreje.

Neni 29

Kompania Trainkos SH.A. punonjësën e vet duhet ta dërgojë në kontrollim shëndetësorë periodik më së paku 30 ditë para skadimit të afatit të parashikuar me nenin 21 të kësaj Rregulloreje.

Neni 30

30.1. Në kontrollimin paraprak periodik ose të jashtëzakonshëm nuk mund të dërgohet punonjësi i Trainkos Sh.A. nëse përkohësisht është i pa aftë për punë për derisa zgjatë kjo paaftësi.

30.2. Punonjësit e Trainkos Sh.A. të cilët dërgohen në kontrollimin shëndetësorë paraprak periodik ose të jashtëzakonshëm duhet siguruar më së paku 12 orë pushim para fillimit të kontrollimit.

Neni 31

Kontrollimi shëndetësor i cili kryhet për të përcaktuar aftësitë shëndetësore të punonjësve të Trainkos Sh.A. përfshinë përcaktimin e kushteve të veçanta shëndetësore të cilat janë të parapara me këtë Rregullore për kryerjen e punëve të caktuara.

Neni 32

32.1. Kontrollimi shëndetësor paraprak periodik dhe i jashtëzakonshëm përfshinë anamnezën profesionale, personale, familjare dhe sociale të punonjësit, kontrollimin fizikal, radiografia e mushkërive, analizat laboratorike, përcaktimin e statusit psikik, testet e diagnostifikimit, kontrollimet specialistike të cilat kryhen varësisht nga kategoria e punëve, përcaktimi i gjendjes shëndetësore dhe shkaqet e dërgimit të punonjësit të Trainkos SH.A. në kontrollim shëndetësor si dhe kontrollimet tjera të cilat janë të nevojshme për vlerësimin e drejtë të aftësisë shëndetësore të punonjësit.

32.2. Në aspektin e vlerësimit të aftësisë psikike të punonjësit të Trainkos Sh.A. kontrollimet shëndetësore paraprake dhe të jashtëzakonshme përfshijnë kontrollimet të cilat janë të nevojshme për vlerësimin e aftësisë intelektuale psikomotorike, vetitë e personalitetit, mbajtja në mend, shpejtësia mendore, shpejtësia e zgjedhjes së reaksionit dhe stabiliteti emocional.

Neni 33

Në bazë të shikimit të rezultateve pas kryerjes së kontrollit, të dhënave mjekësore dhe dokumentacionit në dispozicion enti i specializuar shëndetësorë që ka kryer kontrollimin shëndetësor jep vlerësimin për plotësimin e kushteve të veçanta gjegjësisht për aftësinë shëndetësore të punonjësit të Trainkos Sh.A. për kryerjen e punëve të parashikuara me nenin 4 të kësaj Rregulloreje.

Neni 34

34.1. Për rezultatet e kontrollit dhe të vlerësimit të aftësisë shëndetësore enti i specializuar shëndetësorë me shkrim njofton Kompaninë e cila punonjësën e ka dërguar në kontrollim shëndetësor.

34.2. Nëse gjatë kontrollimit shëndetësorë konstatohet se punonjësi i Trainkos Sh.A. nuk i plotëson kushtet e parashikuara të veçanta shëndetësore enti i specializuar shëndetësorë është i obliguar që për këtë menjëherë ta njoftojë Kompaninë e cila e ka dërguar punonjësin në kontrollim shëndetësorë.

Neni 35

35.1. Në vlerësimin e aftësisë shëndetësore të punonjësit të Trainkos Sh.A. enti i specializuar shëndetësor është i obliguar të theksojë se me kontrollimin e kryer shëndetësor është konstatuar se punonjësi në aspektin shëndetësor është i aftë për kryerjen e punëve të caktuara.

35.2. Nëse me kontrollimin shëndetësor konstatohet se punonjësi i Trainkos Sh.A. nuk i plotëson kushtet e veçanta shëndetësore të parashikuara me këtë Rregullore, në vlerësimin e aftësisë shëndetësore theksohet se punonjësi është përkohësisht ose përjetësisht i pa aftë për kryerjen e punëve të caktuara.

Neni 36

Kryerjen e kontrollimeve shëndetësore të parashikuara me këtë Rregullore Kompania Trainkos Sh.A. ia beson entit të specializuar për kontrollime shëndetësore për të cilin është konstatuar se i plotëson kushtet për kryerjen e kontrollimeve shëndetësore në pajtim me nenin 3 të kësaj Rregulloreje.

Neni 37

37.1. Enti i statistikave shëndetësore i cili kryen kontrollimet shëndetësore në pajtim me këtë Rregullore është i obliguar:

- a) Të udhëheqë evidencën dhe të ruaj dokumentacionin mbi kontrollimet e kryera shëndetësore,
- b) Enti shëndetësor Kompanisë Trainkos Sh.A. i jep raportin vjetor mbi kontrollimet e kryera shëndetësore, konstatimet dhe vlerësimet e aftësisë shëndetësore për punonjësit e kontrolluar,
- c) Në rast të ndërprerjes së kryerjes së kontrollimeve shëndetësore për punonjësit e Trainkos Sh.A., enti shëndetësor obligohet që tërë dokumentacionin shëndetësorë për kontrollimet shëndetësore paraprake periodike dhe të jashtëzakonshme të kryera më herët t'ia dorëzoi entit të specializuar shëndetësor i cili e ka marr kryerjen e këtyre kontrollimeve.

Neni 38

38.1. Kompania Trainkos Sh.A. në të cilën kryhen punët e parashikuara me nenin 4 të kësaj Rregulloreje është e obliguar:

- a) Të udhëheqë regjistrin e punëve dhe punonjësve të cilët drejtpërdrejtë marrin pjesë në organizimin e komunikacionit hekurudhor,
- b) Të udhëheqë librin e afateve të kontrollimeve shëndetësore periodike për punonjësit e punësuar,

- c) Entit të specializuar shëndetësorë të cilit ia ka besuar kryerjen e kontrollimeve shëndetësore i ofron të dhënat mbi procesin dhe kushtet e punës së punëtorëve të cilët në pajtim me këtë Rregullore i nënshtrohen kontrollimit shëndetësorë.

Kreu VII DISPOZITAT KALIMTARE DHE PËRFUNDIMTATRE

Neni 39

Kontrollimet shëndetësore paraprake periodike dhe të jashtëzakonshme të punonjësve të Trainkos Sh.A. të cilat kanë filluar para futjes në fuqi të kësaj Rregulloreje do t'i kryejnë në mënyrën e parashikuar me rregulloren mbi kushtet e veçanta shëndetësore të përbashkëta identike dhe psikologjike për punonjësit e Trainkos Sh.A. të cilët drejtpërdrejtë marrin pjesë në organizimin e komunikacionit hekurudhor.

Neni 40

Afatet nga neni 21 i kësaj rregulloreje llogariten prej ditës kur është kryer kontrollimi i fundit periodik shëndetësor i punonjësve të Trainkos-it, në bazë të rregullave të cilat kanë qenë në fuqi deri në futjen e kësaj rregulloreje në fuqi.

Neni 41

Kontrollimet shëndetësore periodike të punonjësve të Trainkos Sh.A. të cilët punojnë në punët të cilat deri në ditën e futjes në fuqi të kësaj Rregulloreje nuk kanë qenë të përcaktuara si punë në të cilat punonjësit drejtpërdrejtë marrin pjesë në organizimin e komunikacionit hekurudhor do të kryhen në afat prej një viti nga dita e futjes në fuqi të kësaj Rregulloreje.

Neni 42

Kjo Rregullore hyn në fuqi pas aprovimit nga Bordi i Drejtorëve dhe nënshkrimit nga Kryesuesi i Bordit të Drejtorëve i Hekurudhave të Kosovës –Trainkos - SH.A. Me hyerjen në fuqi të kësaj Rregulloreje shfuqizohet Rregullorja e mëparshme.


Heset Çakolli
Kryesues i Bordit të HK-Trainkos Sh.A.